


PRIMA NONI CAPITIS FIGVRA.



PRIMAE NONI CAPITIS FIGVRAE, EIVSDEMQUE
characterum Index.

- H A E C** figura anteriorem calvariae sedem exprimit, maxilla superioris ossa, quam datum est accuratissime, ostensura. Humanæ autem calvariae caninam subiecinus, ut Galeni superioris maxillæ ossum descriptio, leuiori negotio à quouis intelligatur. Præterea, ut oculorum sedes, ac in ijs apparentes suturæ ossaq; quoad fieri licet, spectarentur, hominis caluariam occipitio inniti, et anteriori sede super caninam erigi oportuit. Præsentis autem figuræ characterum indicem ita digeram, ut maiusculi Græcorum, maxillæ superioris ossibus (quæ sex utrinq; erunt) primum adhibeantur: reliquis autem ossibus et suturis, ut fors fert, omnes accommodentur. Cæterum priores aliquot characteres ostendendis foraminib; capitis inuabunt, quare etiam illi ad Caput his dicandū opportunè reseruabuntur. Sunt autē illi **A, B,** usque ad **I.**
- I I** Frontis os. I etiam ponitur in oculorum sedibus, eam frontis ossis partem notans, quæ superioris oculorum sedum regionem constituit.
- K** Verticis os sinistrum. **L** Sinistri temporis os.
- M** Mammillaris processus sinister, iuxta quem processus stylum referens etiam occurrit.
- N** Cuneiforme os, in sinistri temporis cauo et in dextri oculi sede **N** insignitur. In sinistri autem oculi sede **G** et **H** reponuntur, idem os indicantia: quanquam illi characteres huius sedis foraminibus ostendendis peculiariter subseruiant. Ad hæc, **N** quoq; reponitur ad intimum sinistri lateris dentem, notans cuneiformis ossis particulam, et dein suturam id os à superiori maxilla hac in sede diuidentem.
- Γ Γ** Hoc os, nobis primum maxilla superioris numerabitur, ac **Γ** in oculi sede positū, huius ossis partem notat, in oculi sede conspicuā. Circumscribitur uero id os præsentis figuræ **a, b, Q, R** et **P**, quos characteres suis locis sensim explicabo.
- Δ** In sinistri oculi sede **Δ** tantū apparet, superioris maxillæ secundū os indicans, quod terminatur sutura **Δ** et **C** literas proximè ac uelut orbiculatim ambiente, et quodammodo etiā **X, Y, c.**
- Θ** In sinistri quoque oculi sede **Θ** tantum occurrit, tertium maxillæ superioris os indicans, quod **V, T, c** et d'intercipitur.

Λ Λ

- Λ Λ** Quartum maxillæ superioris os. **Λ** in oculi sede positum huius ossis partem notat, quæ inferioris oculi sedis regionem magna ex parte constituit. Dein eodem etiam **Λ** indicatur principium foraminis, quod in genis **B** insignitur. Verū id os circumscribitur **b, g, c, Y, X, c, d, b, D, a, N,** in prima hac figura positū, et in super **c, u, t, y** in sequenti figura ponendis.
- Ξ** Quintum maxillæ superioris os. **V** num **Ξ** dextri lateris os, alterum **Ξ** sinistri lateris os insinuat, quod et in alijs characteribus obseruatum uidet.
- Π** In altera secundæ huius capitis figura **Π** se offert, sextum superioris maxillæ os indicaturum, quo etiam characterē sexti ossis coniux notabitur, ipsum uidelicet alterius lateris sextum os.
- O** Narium septum, quod octauum capitis ossis cribri modo perforati processus putatur. Atque his iam explicatis characteribus, ossa præsentis figura occurrentia insigniimus.
- P** Sutura duos ossum processus committens, quibus iugale os efformatur.
- Q** Ad **S** suturam notatur, cuneiforme os à primo maxillæ superioris osse dirimens, ac hic in oculi sede conspicua, in dextrisq; oculi sede ad characterem **Q** clarius fere, quam in sinistri, apparet. In tertia uero figura, et quarta, quæ sexto Capiti præponuntur, hæc sutura in cauis temporum **d** insignitur.
- R, S, T, V, X, Y, et Z** Sutura frontis os à maxilla superiori et cuneiformi diuidentis. **Ab** R enim ad **S** suturam pars notatur, frontis ossi et primo maxillæ ossi communis, quæ in cauis temporum in tertia figura sexti Capitis conspicitur, inibi à **b** ad proximum ipsi **b** pertinens. Hic uero ab **S** ad **T** suturæ huius interuallum notatur, frontis ossi et cuneiformi commune.
- A** **T** ad **V** interuallum metitur, tertio maxillæ ossi et frontis ossi commune. **Ab V** ad **X** interuallum præsentis suturæ insignitur, commune frontis ossi et secundæ maxillæ ossi. Inter **X** et **Y** huius suturæ interuallum consiluit, quarto maxillæ ossi ac frontis ossi commune. **Ab Y** uero ad **Z** suturæ illius significatur interuallum, commune frontis ossi et quinto maxillæ ossi.
- a** Maxillæ sedes aspera inæqualisq; quæ primum maxillæ os quarto committitur. Verū ab **a** ad **b** sutura indicatur, duobus illis ossibus communis, ubi hæc in anteriori calvariae sede est conspicua. Pars autem ipsius quæ in temporis cauo latitat, ex quarta figura sexto Capiti præposita, sub characterē **f** in temporis cauo posito peropportune petes.
- b** **A** **b** ad **Q** suturam primum os à quarto diuidentis pars indicatur, quæ in oculi sede est conspicua. Hæc in præsentis figuræ sinistri oculi sede characterib; pauciorib; occupata, est manifestior.
- c** **Ab V** ad **c** sutura notatur, secundo ossi et tertio communis. Quicquid autem sursum iuxta **C** et **Δ** ad **X** usq; ducitur, secundū os à quarto dirimit.
- d** **d** seruit describendo tertio maxillæ ossi. **T** enim ad **V** superioris eius ossis sedem describit, **V** ad **c** anteriorem, **T** ad **d** posteriorem, quæ cuneiformi committitur ossi. **c** uero ad **d** eius ossis inferioris partem circumscribit, quarto maxillæ ossi contiguam.
- e** **e** ad **Y** suturam notat, quarto maxillæ ossi et quinto communem.
- f, f** ad **Z** suturam insinuat, quinto unius lateris ossi et quinto alterius lateris ossi communem.
- g** In narium amplitudine **g** ponitur, suturam indicans, quæ septum narium à quartis maxillæ superioris ossibus disiungitur.
- h** Sutura, aut harmonia potius, quartis maxillæ superioris ossibus communis, cuius beneficio illa inuicem in mustacis regione dirimuntur.
- i** Ad superiorem foraminis **B** notati sedem, **i** ponitur, indicaturum quarti ossis suturam, quæ elatius quam id foramen consistit, ipsiq; quarto ossi duntaxat peculiaris est.
- Homini calvariae, cuius modo indicem prosequor, figura, nullo præterea insignitur characterē, neq; aliud in illa enarrandum superest. Subsequentes itaq; notæ canis calvariae hunc in modum propriæ censentur.
- k** Sutura à malis sursum ad medium ambitus oculi, in inferiori regione sedis oculorum ascendens, usq; ad **l**.
- l, m** **l** usq; ad **m** suturam notat, ad supercilia usque iuxta internū oculi sedis angulum cōscendentem.
- n** Sutura ab illa quæ externum nasi ossium latius circumscribit, inter caninum dentem et incisoriū ipsi proximè delata. Licuisset hanc caluariā pluribus characterib; occupare, nisi existimasset hominis maxillam Lectori in præsentia satis negotij exhibituram.

D SECVN